



Халқ сўзи

Ўзбекистон —
кељаги
буюк
давлат

1991 йил 1 январдан чиқа бошлаган

E-mail: Info@xs.uz

2010 йил 17 август, № 160 (5075)

Сешанба


БУ МУҚАДДАС ВАТАНДА АЗИЗДИР ИНСОН

Бухоро:

ИЛМУ ФАН, МАЪРИФАТ ВА ИЖОД БЕШИГИ



Мустақиллик туфайли юртимиз дунёга юз тутди. Неча-неча минг йиллик тарихга эга шаҳарларимиз эъзоз топди. Улар жаҳон аҳли талпиниб яшайдиган гўшаларга айланди. Қадимий ва ҳамиша навқирон Бухоро ана шундай шаҳарларимиздан биридир. Бугун Бухорода бўлган киши улкан ўзгаришлар, бунёдкорлик ишларини кўриб, лол қолиши тайин. Бу хайрли, эзгу ишларга мустақиллигимизнинг дастлабки йилларидаёқ муҳтарам Президентимиз ташаббуси билан киришилган эди.



— Сирасини айтганда, мустақилликнинг ҳар бир йили Бухоро тарихида ўзига хос из қолдирмоқда, — дейди "Маҳалла" жамғармаси вилоят бўлими раиси Бехбуд Жумаев. — Шаҳар қиёфаси ўзгараётти. Қадимий обидалар ёшараяпти. Бухоро аллақачон жаҳонга юз тутди. Шаҳарнинг 2500 йиллиги дунё миқёсида нишонлангани кечагидек ёдимизда. Калон масжиди, Арк қалъаси, Лабиховуз мажмуи, бошқа ўнлаб тарихий ёдгорликларнинг тасмирлангани — буларнинг барчаси мустақиллик шарофатидан. Шаҳримиз тарихий марказидаги меъморий обидалар ЮНЕСКО томонидан жаҳон маданияти мероси рўйхатига киритилгани қалбимизни фахр-ифтихор ҳиссига тўлдирди. Қадимий шаҳарнинг қай бир кўчасидан юрманг, йўллар Минораи Калонга элтади. Шаҳардан чиққан қай бир йўлни олиб

кўрманг, у муқаддас қадамжоларга олиб боради. Хожа Баҳроуддин Нақшбанд, Мир Кулол, Чорбакр, Абдулхолиқ Гиждувоний, Бобои Самосий, Фағнавий зиёратгоҳлари, бошқа кўплаб қадамжолар бевосита Президентимиз ташаббуси билан обод манзилларга айлантирилди. Буюк аждодларимиз бой маънавий мероси халқимизга қайтарилди. Айни кунларда шаҳарнинг қадимий дарвозалари қайта бунёд этилаётти. Шаҳардаги Абу Ҳафс Кабир қадамжоси ҳам гўзал меъморий мажмуа қиёфасини олмақда. Бухородаги ёдгорликларни таъмирлашга қўшган улкан ҳиссаси учун Олим Абдиев бошчилигидаги усталар Ўзбекистон Республикаси Давлат мукофоти билан тақдирланди.

(Давоми 2-бетда).



Умумхалқ хайрия ҳашари

Мамлакатимизда 14-15 август кунлари бўлиб ўтган умумхалқ хайрия ҳашарида 16 миллиондан зиёд юртдошимиз иштирок этди.

ЭЗГУЛИККА ЙЎҒРИЛГАН ТАДБИР

Юртимизда тўю тантаналар кўп. Улар орасида энг улуг, энг азиз байрамимиз, мамлакатимиз Мустақиллиги кунини ҳар йили катта тантана, ўзига хос шоду хурамлиқ билан нишонланади. Айни кунда ана шу кутлуг санага пухта ҳозирлик кўриш мақсадида юртимизнинг ҳар бир гўшасида катта миқёсдаги бунёдкорлик, ободонлаштириш ишлари амалга оширилмоқда. Эзгу мақсадни дилга тугиб, қишлоғу маҳаллаларни обод, саришта этишга чоғланган юртдошларимиз ташаббуси билан катта байрам олдидан юртимиз чиройига чирой қўшилаётти, хонадонларимиз файзга тўлаётти.

Ўзбекистон Республикаси Вазирилар Маҳкамасининг фармойишига биноан, 14-15 август кунлари бўлиб ўтган умумхалқ хайрия ҳашарини ҳам ана шундай эзгу ташаббуслар самараси, деб эътироф этиш мумкин. Мустақиллигимизнинг 19 йиллик шодиёналарни арафасида ўтказилган мазкур умумхалқ тадбирида 16 миллиондан зиёд ҳамюртимиз қатнашди. Эътиборли жиҳати, бунда ёшларимизнинг фаоллиги, ташаббускорлиги алоҳида кўзга ташланди. Юртимизни обод, турмушимизни фаровон қилишга бел боғлаган хашарчиларнинг 10 миллиондан зиёгани ёшлар ташкили этгани бунинг яққол тасдиғидир.

Хайрия ҳашарини ўтказиш бўйича республика

штабидан олинган маълумотларга кўра, умумхалқ ҳашарида аҳоли томонидан 30 минг гектар майдонда ободонлаштириш ишлари олиб борилди, 22 минг километр узунликдаги ариқ-зовурлар ва лотоклар тозаланди, қарийб 14 миллион тулдан зиёд дов-дарактлар оқланди ва уларга шакл берилди. Шунингдек, 9 мингдан ортиқ қабристон ва зиёратгоҳ тартибга келтирилди.

Айтиш жоизки, умумхалқ ҳашари нафақат ободонлаштириш ва бунёдкорлик борасидаги ишлар, балки ушбу кунларда кенг қамровда ташкил этилган меҳр-муруват, хайр-саховат тадбирлари билан ҳам аҳамиятли бўлди. Чунки хашар жараёнида ёлғиз кишилар, кам таъминланган оилаларнинг 387 минг квадрат метр ҳажмдаги уй-жойлари хашар йўли билан таъмирланди, бундай эҳтиёманд инсонларга 590 миллион сўмдан зиёд миқдорда моддий ёрдам кўрсатилди.

Албатта, умумхалқ хашар тадбирлари юртимизнинг ҳар бир ҳудудидан амалга оширилган ўзига хос хайрли ишлар билан ҳам эътиборлидир.

Жумладан, кўҳна ва ҳамиша навқирон Самарқанд шаҳрининг қайта реконструкция қилинаётган, янгидан барпо этилаётган иншоотлар, хиёбонлар ва боғлари жойлашган ҳудудлари хашар кунлари энг

(Давоми 2-бетда).

Август ойи — пахта ҳосилига ҳосил кўшадиган ой

ФИДОКОРОНА МЕҲНАТ

баракали ҳосил етиштиришнинг муҳим омилidir

Сир эмас, мамлакатимиз пахтакорлари учун август ойи энг долзарб меҳнат мавсуми ҳисобланади. Нега деганда, гўза парваришидаги асосий агротехника тадбирлари айни шу пайтга тўғри келади. Шу боис қишлоқ меҳнатқашларидан бу даврда алоҳида масъулият, эътибор ва кунт талаб қилинади. Юртимиз деҳқон ва фермерлари бунинг чукчур ҳис этиб, ой бошидан бунинг гўзаларини чеканка қилиш, суғориш, культивациялаш, ҳосилни зараркунандалардан муҳофазалаш каби тадбирларни ўз вақтида, сифатли ўтказдилар.

Натижада гуллар кўсакларга айланиб, ҳосилга ҳосил кўшилди. Бугунга келиб эса, бўлиқ кўсаклар бири-кетини очилиб, лўппи-лўппи пахтага айланмоқда. Демак, энди навбат дефолиациялашга келди.

Ушбу тадбирнинг аҳамияти шундаки, унинг ёрдамида экинни баргидан озикланиши тўхтатилади. Барглари тўкилиши кўчатирилган пахта шохларидаги кўсакларга ҳам кўш нурининг тўғридан-тўғри тушишига, бу, ўз навбатида, ҳосилнинг тез пишишига ва баракали бўлишига хизмат қилади. Аникроги, дефолиация ўз вақтида ва сифатли ўтказилса, ҳосилдорлик гектарига 2-3 центнерга ошиб, йиғим-терим ишларига 10-15 кун эрта киришилади. Энг муҳими, тола сифати яхшиланади.

Таъкидлаш кераки, сурхондарёлик фермерлар

мазкур тадбирни ушқоқлик билан ўтказиш мақсадида пухта тайёргарлик кўришмоқда. Бунда Президентимизнинг шу йил 5 августда қарор қилган, бу, ўз навбатида, ҳосилдорлик гектарига 2-3 центнерга ошиб, йиғим-терим ишларига 10-15 кун эрта киришилади. Энг муҳими, тола сифати яхшиланади.

Туман қишлоқ ва сув хўжалиги бўлими бошлиғи Абдуғулум Намозовнинг айтишича, бу ерда ҳозир завор техника воқеалари, шу жумладан, "ОВХ — 600" пуркагичлари мавсумга шай қилиб қўйилган. Жойларда семинарлар ташкил этилиб, мутахассислар томонидан тушунтириш ишлари олиб борилади. Дефолиация даврида далада 7 та ишчи отряди фаолият юритади. Ҳар бир отряднинг таъминоти, уларга техник хизмат кўрсатиш тадбирлари белгиланган олинган. Буларнинг бари дефолиациялашни 10 иш кунига яқунлаш имконини беради.




Мутахассисларнинг фикрича, дефолиациялашга тўпланган ҳосилнинг 40-45 фоизи ҳосилдан киритилса, яхши самара беради. Шу маънода, Сурхондарёда мазкур муҳим тадбирни ўтказиш вақти жуда яқин қолди. Шунинг билан олган деҳқонлар бугун асосий эътиборни тайёргарлик ишларини 20 августга яқунлашга қаратмоқдалар. Зеро, дефолиациялашнинг сифатли бажарилиши баракали ҳосил тўплаш гаровидир.

О. УСАНОВ,
«Халқ сўзи» мухбири.

МАМЛАКАТ

бўйлаб

Воқеалар,
янгиликлар,
хабарлар



ТОШКЕНТ. Мамлакатимизда навқирон авлоднинг истеъод ва салоҳиятини юксалтиришга катта эътибор қаратилмоқда.

Санъат гулшанидаги умид гунчалари

Зеро, Истиқлол йилларида Президентимиз раҳнамолигида ижодкор ёшларни моддий ва маънавий жиҳатдан қўллаб-қувватлаш, хусусан, юртимизнинг энг чекка қишлоқ жойларида камол топаётган иқтидор соҳибларини аниқлаш ва уларни рағбатлантириш борасида эзгу саяёҳаракатлар амалга оширилганлиги бунинг тасдиғидир.

Бундан ўн йил муқаддам давлатимиз раҳбари томонидан таъсис этилган "Нихол" мукофоти учун ўтказиб келинаётган танлов ҳам ана шундай ноёб истеъодли йигит-қизларни кашф этишга хизмат қилмоқда. Бугунга қадар санъатга ихлосманд ёшларнинг 114 нафари мазкур нуфузли мукофотга сазовор бўлди. Қувонарлиси, айни пайтда улар орасида Ўзбекистон ҳамда Қорақалпоғистонда хизмат кўрсатган артист унвонларига ва бошқа давлат мукофотларига сазовор бўлган ихрочилар анчагина.

(Давоми 4-бетда).

ФАРФОНА. Қувасой шаҳрилик тадбиркор Мўсинжон Меҳмононов саяёҳаракати билан шифер ишлаб чиқарадиган Ўзбекистон — Кипр қўша корхонаси ташкил этилди.

Тадбиркор ташаббуси

Кипрлик сармоядорлар томонидан ажратилган маблағ эвазига хориждан шифер ишлаб чиқарадиган дастгоҳлар, асбоб-ускуналар олиб келиб ўрнатилди. Утган қисқа муддатда корхона ички бозорга 1 миллион сўмлик қурилиш хом ашёси чиқарди. Ногиронлар жамиятига ҳамда кам таъминланган оилаларга қарийб 10 миллион сўмлик хайрия ёрдамлари кўрсатилди. Энг муҳими, 100 нафарга яқин киши иш билан таъминланди.

Н. СОБИРОВ,
«Халқ сўзи» мухбири.

ҚАШҚАДАРЁ. Тадбиркор Ҳалим Худойбердиевнинг Қарши шаҳридаги "Иссиқ нон Навкат" шўъба корхонасига яқинда Германиядан нон ишлаб чиқаришга мўлжалланган замонавий технологик линия олиб келиб ўрнатилди.

Технологик янгиликлар самараси

Натижада корхона қуввати ошиб, бу ерда кунига 3,5-4 минг дона иссиқ нон тайёрланиб, савдо дўконларига чиқарилмоқда.

Аҳамиятлиси шундаки, хорижий технология асосида пиширилган нон таъми ва кўриниши жиҳатидан харидорлар дидига мос тушмоқда.

Вилоятда 2010 йилнинг биринчи ярим йиллигида озиқ-овқат саноати корхоналари томонидан 75 миллиард сўмлик маҳсулот ишлаб чиқарилиб, ўтган йилнинг шу давридагига нисбатан 6,1 фоизлик ўсишга эришилди. Шу даврда 1,7 миллиард сўмлик инвестиция киритиш эвазига 119 та янги кичик саноат корхонаси ташкил этилганлиги қувонарлидир.

Ф. БОЗОРОВ.

НУКУСЛИК тадбиркор Муродбек Тангрибергенов "Муродбек-мебель" кичик корхонасини ишга туширди.

Яна бир янги корхона

Банкдан олинган 50 миллион сўмлик кредит тадбиркорга мана шу хайрли ишни амалга оширишда катта туртки бўлди.

Айтиш кераки, корхонада тайёрланаётган сифатли мебеллар ва ошона жиҳозлари ички бозорда тобора харидорлар бўлиб бормоқда. 10 нафар қўли гул уста меҳнат қилаётган корхона жамоаси харидорларга 20 миллион сўмлик дастлабки маҳсулотини етказиб берди.

Х. АҲМЕДОВ,
«Халқ сўзи» мухбири.

БИР РАҚАМ ШАРХИ ЭКСПОРТБОП ТОВАРЛАР ТУРИ КЎПАЙМОҚДА

Жорий йилнинг биринчи ярим йиллиги давомида мамлакатимизда экспортбоп товарлар тури

400 тадан ошди.

Маҳсулотларни экспорт қилишни рағбатлантириш, тайёр маҳсулотларни янги ташқи бозорларга олиб чиқиш, шунингдек, республикамизда тайёрланган товарларнинг рақобатбардошлигини ошириш юзасидан қўшимча чора-тадбирларнинг кўрилгани ана шундай ижобий натижага эришиш имконини берди.



